

## EGUBERRITAKO KANTA ZARRAK.<sup>1</sup>

Eguberri besperan,  
Negu-biyotzean,  
Jayo da gure Jesus  
Leku arrotzean;  
Ez jauregi eder aundi  
Eta aberatsean,  
Baizik estalpe pobre  
Arlote otzean.

Maria eta Jose  
Guztiz errukarri  
Otzak ikaraz zeuden  
Begira alkarri:  
Onetan amabiak  
Dirade etorri,  
Argitara danean  
Seme eder ori.

Eguzkiya pasa-ta  
Osorik kristala,  
Orobat gelditu da  
Amaren sabela;  
Espiritu santuak  
Egiñik itzala;  
Orra or Maria-gan  
Ama ta Donzella.

Dicha ta zoriona  
Dator gaur gugana;  
Agertu da munduan  
Jaungoiko-gizona,  
Irutasun Santuko  
Bigarren persona,  
Mesias egiazko  
Gure Jesus ona.

¿Nor ez da zoratuko  
Atsegiñ kontentuz  
Ikusi ezkerotzik  
Aurcho eder Jesus?  
Inguraturik dago  
Belen-en aingeruz;  
Ariñ datoz artzayak  
Oiu eta kantuz.

Egiñikan gu ere  
Orien lagunak,  
Bijoaz bada ara  
Biotz ta barrenak;  
Gizonaren amorez  
Gizon egiñ danak,  
Bakarrikan nai ditu  
Borondate onak.

(1) Tolosa-inguruko erriyetan aspaldi kantatu oi ziradenak.